

CAPITOLIUM  
HONORIS INFULATI,  
INGENTILITII APRI CAPITE  
ERECTUM,

&

ILLEVSTRISSIMO,  
Ac REVERENDISSIMO DOMINO,

D. CONSTANTINO  
IOSEPHO

DE GOSCISKA

ZIELINSKI,

EPISCOPO HIEROPOLITANO,

SVFFRAGANEO,

Vicario in Spiritualibus, & Officiali Generali Gne-  
znenfi, Præposito Vladislaviensi, Archidiacono  
Pultoviensi in Cathedrali Plocenfi.

*Ipso suæ Consecrationis die 7. Novembris,*

A Regio Vladislai IV.

Varfaviensi Scholarum Piarum Collegio

DEDICATUM.

*Anno è Cælorum Capitolio descendens Dei-Hominis,*

1694.

---

VARSAVIÆ,

Typis in Collegio Schol. Piarum, S. R. M.



In Gentilitia Arma  
ILLUSTRISSIMÆ  
ZIELINSIORVM Domûs.



Tot Consos, Fabiosquè parit Tibi Lechia Cœlum,  
Nomina quot numerat ZIELINIANA Domus.  
Consilium, ferrumvè petas, nihil illa recusat ;  
Vt pote quam firmant hinc MANVS, inde CAPVT.





ILLUSTRISIME  
&  
REVERENDISIME  
ANTISTES.

**O** Rbe majus ZIELINSIORVM  
CAPVT nimis forsitan injuriosè tra-  
ctamus, dum unius pagellæ excipimus Ca-  
pitolo. Superat hoc amplitudine suâ pro-  
tensa etiam ad ultimam Thulen Augusta-  
lia; ipsum Cœlum vix latèpatientì ambi-  
tu Tanti capax verticis, ex quo fecundiore partu quàm  
ex Iovis cerebro tot suscipit Numina, quot Illustrissima  
Nomina ZIELINIORVM. Cedunt his ultrò suis  
astra sphæris, sereniores in ZIELINIIS adorando  
Planetas, quorum luminibus fulgens Polonia non imme-  
rito affinem se jactat polo. Ex Te ipso ILLVSTRIS-  
SIME PRÆSVL dum mensuram splendoris Do-  
mûs ZIELINSCIANÆ colligimus, pupilla no-  
stra tantis inassueta splendoribus miratur Virtutis Tuæ  
claritatem, ex qua Patriæ & Orthodoxæ fidei lætior it di-  
es. Natura verò stupet amplitudinem Tuam, desperatu-  
ra talem aliquando à se produci potuisse, nisi Te jam pro-  
duxisset. Tunc primò ipsa suum æstimavit ingenium, tunc  
venerata manus, cum Te felici omine terris ad invidiam,  
(a 2 ) Cœlo.



Cœlo ad amorem edidisset. *Quantus esses, ipse Tuus probavit ortus. Vix oculis dignosci poteras, & jam maximis major CONSTANTINVS communi omnium adorabaris iudicio. In fascijs adhuc obligatum se Tibi mancipavit Honor, primumq; Tui in lucem progressum substracto Lucina coluit murice, ad Præsuleam iter signans purpuram. Amovit à Te insolens fortuna infestas adversitatum cruces, ut Episcopali conservaret. Tandem à Pallade mollis dextera erudito instructa calamo Sacratione jam tunc nitere videbatur Scipione. Statimq; à cunis Phæbus ad bicollem Te ducens Parnassum, imò sponte prævolantē obsequente comitatus famulatu, biverticis Mitræ præsa-giebat culmen. Præstolamur avidi hæc non vana, quia Constanti ipsius Nominis roborata oraculo vaticinia. Et si ambigis quantum hucusq; protractæ spes & vota studiosum lancinarint pectus; collige ex lætitia, quam eò intensiorem prima Honoris Tui fama Nostris infudit pectoribus, quò mæstiorem inde expectationem effugavit. Hinc Te triumphis & plausibus ad Capitolium Insulati comitamur Honoris, gaudia Nostra, sive fortunæ nostræ, sive Tuæ gloriæ immolantes. Quod si (ut ingenuè fate-mur) basilica hæc ZIELINSCIANO insufficiens CAPITI, Tu eam Magnitudine Tua ampliabis. Excusabis ILLUSTRIS-SIME PRÆSVL magnarum rituum mentium, tenuitatem Panegyris nostræ; grandescet enim magis Celsitudo Tua, si minùs eam attollemus, quàm debemus, cum quantum tenemur non sufficimus. Inde nec Tibi Honoris, nec sibi obsequij hic Non plus ultra præfigit.*

**Illustrissimæ Dominationi Tuæ**

*Obligatissimum*

Collegium Varfaviense Schol. Piarum.





# TRIUMPHVS

PRIMVS.

Magnis Majorum passibus

Capitolium

INGREDIENS.



Oronata prius desideria in triumpho ducimus ad Capitolium Infulati Honoris, antequam Tuos deducamus Aborigines. *Illustrissime & Reverendissime Domine.* Quolibet momento expectabamus felicem Tuam Inaugurationem, unicum quadrantem Platonico mensurantes anno; horas omnes in tædiosos sæculorum tractus distentas esse putabamus, antequam nuntium accepimus de Tua in Suffraganeatum Gnesnensem Consecratione. Mæsti quodammodo decurrebant menses, quia Tibi applaudere quilibet illorum volebat; omnibus tandem palmam præripuit November, cum suo sagittario vota non fallaci jaculatus arcu, ubi Te Primatialis Cathedræ *Suffraganeum* veneratur. Omnes anni partes inter se litigare videbantur, cuinam illarum cedere debuit solennis Tuæ Inaugurationis pompa. Niuea hyems suam caniciem venerandam ad Tuas flectere plantas cupiebat; verni temporis majestas omnem florum copiam in Tui capitis coronamentum parabat; torrida æstas magis ardebat desiderio Te videndi in Infula, quam proprijs caloribus. Optima

A

fors



fors autumnno obtigit, ubi inter vindemias, *Te Illustrissimi* Sanguinis murice rubentem botrum in Vineæ Orthodoxæ Ecclesiæ inuenit. Persultabant giganteo passu duras Alpes nostri affectus; refracta ad Vaticanum collem suspiria cum lenioribus Zephyris ad nos reuertebantur, taliq; aura jejuni pascebamur chamalæontes, donec Romana Expeditio ad *Hieropolitanam Insulam*, grato rumore nostras subiuiſſet aures. Ad famam Tui Capitis Insulati gentilitiæ Archidiæcesis Gneznensis Lilia lætius in autumnno suum explicant florem; quasi repando ore loqui vellent millenos Tibi applausus. Loviciensis Pelicanus per apertum sui pectoris vulnus totum cor in lætitiā effundit. Nostra quoq; Varſaviensis Siren festivum Tuo Nomini accinit pæanem. Damus pleno aceruo collectam gaudiorum messem, quia penes Iagellonicum *Vladislai IV* Fundatoris nostri *Manipulum* fæcunda amœnitatis Gargara offerre expedit, non leuiore aristas. Ipsa lætitiā in præſenti ſolennitate triumphat, non diſertior ſuada, quæ suæ paruitatis conſcia Magnum *Constantini* Nomen pertimeſcit. Imò omnes paginæ ultra natiuam albedinem magis expalleſcunt in primo limine Tuæ panegyris *Præſul Illustrissime*; omnes literarum carbonēs mortui, cadauerosum induunt colorem, quod timore quodam conſternati, ad Tuam exanimentur magnitudinem. Audebimus tamen humiliorem eloquentiæ lembum committere Sanguinis Tui latepatienti Erythræo. Quodſi in profundum delapſis naufragari contigerit, libenter in Tui venerationem cademus.

Gregorius  
Zielinski  
Palatinus  
Plocensis.

Et jam Triumphum inſtauramus ad Capitolium Honoris Insulati cum Tuis aſcendentem Majoribus. Primus illud ingreditur *Illustrissimus Gregorius Zielinski* Palatinus Plocensis vir Marte & ingenio clarissimus. Stupuit Purpuratus Civium Patriæ Conſeſſus gravissima illius conſilia, ſuſpexit Bellona magnanimos ausus; Pyrrhum in campo, Cynæam in Curia Regnum adoravit. Porro hoc eſt ſingulare ornamentum, ſi

= At-



- - - - - *Attica Musæ*  
*Temperies, & Sparta domi communibus æquè*  
*Militat obsequijs; & mania duplicè vallo*  
*Consilij, Martisq; tegit. - - -*

Vidit Polonia probatam illius prudentiæ authoritatem *Sigismundo III*, cujus Confirmationi pactorum sub-<sup>Confirmati-</sup>scripsit, ut non capulo tantum sed & calamo decora-<sup>oni pactorū</sup>tam manum ostenderet. Verus erga Patriam candor<sup>subscribit</sup> in paginam effusus vix non extinxit atrum sepiæ colo-<sup>sub Sigis-</sup>rem; literis expressior illibatæ mentis character satis e-<sup>mundo III.</sup>gregiè eluxit. In annotatis atramento syllabis quidam carbunculi micabant, ignem vibrantes feruidi erga bonum publicum amoris. Volatico rapiebatur impetu ad quodvis obsequium Reipublicæ, gentilitiam sui Palatinatus Aquilam æmulatus, cui suffecit unicum fulmen ad hostes profligandos, *Zielinscy* indoles generosa. Crediderim nigram illam Alitem in *Gregorij* fudoribus niveum induisse candorem, imò falsis ejusmodi fluentis toties rejuvenescentem evolasse. Debito veneramur<sup>Valentinus</sup> cultu Paternis insistentem vestigijs *Valentinum Zielin-*<sup>Zielinski</sup>  
*ski* Castellanum Plocensem Avum Tuum *Antistes Illu-*<sup>Castellanus</sup>  
*strissime*; qui in splendido Comitiorum theatro acerri-<sup>Plocensis</sup>  
mum Polonæ libertatis egit defensorem, dulci eloquio<sup>Avus Illu-</sup>  
multorum odia & dissensiones composuit. Aculeatæ<sup>strissimi.</sup> contravenientium apes ingrato obstrepentes murmure taciturnitatem didicerunt, ut omnem prorsus amandarent fucum; qui mella concordie absumeret. Toties magna illius industria amouendis Regni disturbijs efficacem porrexit modum, ut ipsa pericula, quæ alijs meum incutiunt, timerent caput *Zielinscy*, & virilem<sup>Sago & co-</sup> dexteram. Ita sanè in prudentibus Consiliarijs clarum<sup>gâ inclutus.</sup> ingenij lumen, est quædam polaris stella, fluctuantem Reipublicæ nauim ad portum dirigens. Facundæ Oratorum linguæ acus magneticas imitantur, quæ Patriæ onerariam in meliorem flectunt portum, ne patiatur naufragium, aut malorum voragine pereat absorpta. Et certè omne Regnum (testante Lipsio) ultimam vi-



tam agit, nisi illam bonorum Ciuium consilia vel redamiment, vel spiritum detineant. Agonizantes rerum successus facile reviviscunt, si magni iudicii sensus ultimum exspirantibus anhelitum, succurrat. Respondit primogeniti Fratris magnitudini aliorum Fratrum virtus æmula *Sigismundi & Nicolai Zielinsciorum*; quibus infractum fuit robur pro septemplici Aiakis clypeo, in adversis constantia pro columna quapiam Gaditana. Tot belli incommoda magnanimis Heroibus quædam voluptatis illecebræ videbantur; adeoq; innube frontis serenū nunquam obtenebrauit ferrea armorum tempestas. Gemini soles, non oculi, vibrantioribus radijs cruentas Bellonæ nubes penetrabant, addensatos telorum imbres pupillâ spectantes irretortâ. Venera-

*Ioannes  
Zielinski  
Castellanus  
Visnensis.*

mur generosam *Nicolai* sobolem *Ioannem Zielinski* Castellatum *Visnensem*. Magnis ille dotatus talentis in fago & togâ gessit plurima; quæ non leuem hanc pagellam, sed capaciores tomos implere possent. Erumpit ingens gloriæ splendor è mortuali cinere Illustrissimi Tui Parentis *Ludovici Zielinski* Castellani Sieprscensis, Capitanei Ciechanoviensis, qui non degener à suo Pa-

*Ludovicus  
Zielinski  
Parens Illu-  
strissimi.*

stre *Valentino Zielinski* Filius, ex *Barbara* de *Fulstyn* *Herburtowna* genitus, magnum suæ Domui columnen accessit. Adhuc prætextati juvenis vivacem indolem mirabantur doctiores Athenæ, in adultiori ætate attonitus Mars obstupuit virilem animum. In publico Procerum confessu disertum egit Tullium, vel ignes dicentem Isocratem, ubi frigidiores in publicum mentes accendere matura persuasit deliberatio. Ipsi purpuratæ Senatorum Curix parietes auriti quodammodo esse videbantur ad *Zielinscij* oracula; ad suavem illius vocem in ceram emollita, vix non colliquecebant marmora. Quot verba, tot pessulos vel feras ori omnium imposuit. Non homines, sed immobiles statuas hære re tunc credidisses, quando disertissimus hic Nestor loqui incepit. Attoniti oculi lapidescere cogebantur; in saxum diriguere obstupefactæ palpebræ; exangues vul-

tus



tus in silicem obdurati, ab ore illius pendebant; admiratione defixæ frontes, profundioribus rugis fulcabantur. Saxeæ Deucalionis proles, vel Caucaſo ſtirps progenita cerni potêrat, quoties verba fundebat *Zielinſcius*. In bellicis expeditionibus animoſum Hectorem vidiffes, <sup>Neflor in Comitijs, Gradivus in bellis.</sup> permixtos martiali æſtu anhelitus trahentem; cui irrequieto motu cor ad pugnam ſaliebat, non vecordia concuſſum, ſed vehementi lætitiæ impetu exagitatum, in hoſtem erumpere voluit. Si frangere potuiſſet coſtas, ignitum dolorem conſpexiſſes, bellici fervoris flammæ ejaculantem. Superbè nimium rugiens Sveticus Leo in Pruffia obmutuit ad *Zielinſcij* præſentiam, imò emortuus ſpirare non potuit. Immanis bellua expauit gentilitium illius *Aprum*, qui non leones tantum, ſed etiam latentes in Scythica Mæotyde hydras diſcerpere novit. *Vladislaus Zielinſki* in caſtris ab hoſte cæſus, immortalis gloriæ non victima, ſed hecatombe occubuit; quia alter Antigonus, unus pro mille, <sup>Vladislaus Zielinſki pro vita Patriæ moritur.</sup> non pro centenis militibus numerari potêrat. Illud quoq; memorandum opus *Zielinſciæ* gloriæ, quod ſubſcriptioni Electionis *Vladislai IV.* graviffimam ad-moverint manum, nempe: *Valentinus Zielinſki* Caſtellanus Plocenſis, *Ioannes* Dapifer Plocenſis, *Adalbertus, Sigismundus, & Martinus Zielinſcij.* Scilicet mille ad-doreis coronandam illorum dexteram coronatis Principum nominibus propiùs accedere decuit; rubentem hoſtili ſanguine manum, purpuratis ſplendoribus ad-moveri. Buccinat vocali claſſico publica fama *Ioan-* <sup>Ioannes Zielinſki</sup> *nem Zielinſki* Gubernatorem Ciechanoviènſem ex *He-* <sup>Frater Illuſtriſſimi.</sup> *lena Zawadzka* Palatinide Parnaviènſi genitum, Fratrem Tuum Vterinum *Illuſtriſſime Præſul.* Vel ex indè Nominis illius amplitudinem metiri poſſumus, quod viginti aliquot vicibus, in Comitijs Nurcius optimè Spartam hanc coluerit. Attonabat omnium aures tornatæ dictionis facundiâ, gravi ſententiarum pondere, omnes in admirationem rapiebat. Mæſtuofus vultus ſpectatores millenos habuit, totidemq; ſuæ eloquentiæ audito-  
 B res,



res, ex quibus nemo criticus censor extitit. Ipse redi-  
vividus Cato, si illius effata auscultasset, nihil censuran-  
dum invenisset. Adamantinas obstinatorum mentes  
emollivit suave illius consilium; novus Hercules, ferre-  
os aliorum animos lenioris suadæ traxit catenâ. Po-  
lona libertas nunquàm servitutem passa, captivam se  
*Ablegatus* esse fatebatur inter aurea *Zielinsciani* eloquij vincula,  
*ad Comitum* libenter tamen ejusmodi compedes portabat, quia pre-  
*Generalia.* tioso illius Nomini assymbolas. Non potuit satiare  
Civium desideria, quin frequentius se eligerent tali  
provinciæ administrandæ peridoneum. Omnes illius  
absentis imaginem in suo capite pingebant, ille in ore,  
ille in cordibus, multò antè electionem versabatur. Plu-  
ribus suaviorem reddebat quietem, quia de illo somni-  
antes, dulcem tanti Viri memoriam fovebant, vel ipso  
sopore repræsentante *Zielinscij* Personam. Necdum  
tamen ad gloriam tanti Nominis suffecit toties iterata  
in Terrestrem Nuntium proclamatio, quin ad Polonæ  
Themidis Areopagum dignus eo titulo eligeretur De-  
putatus. Profuga quondam in cælum Astræa, si eò usq;  
*Ad Tribu-* in terras non redijt, ad unicum illius voluntatis nutum  
*nal Depu-* libenter descendisset. Vt æquissimum veritatis asserto-  
*tatus.* rem videre posset justitia, de cælo prospexit. Vel mi-  
nimam corruptionis umbram fugiebat, ne lucidam vir-  
tutem obumbraret; semper in conspectu illius expallu-  
it aurum, quia timebat manus munerum contemptri-  
ces. In multos sævam exercet tyrannidem avaritia,  
quia illos damnare ad metalla didicit; truculentiam  
hanc *Zielinscius* evitavit, adversus cupiditatis tela, o-  
mni circumspeditione armatus. Martiales ejusmodi au-  
sus ipsa loquetur immortalitas, castrenses tubæ melius  
personabunt, quàm calami describent. Toties Scythi-  
cos apros venabatur Caledonijs ferociiores, & ne fugâ  
se subducerent, plumbeis glandibus saginatos, Marti in

*Stanislaus* victimam consecravir. Prodit nobile par Fratrum Gu-  
*& Jacobus* bernatoris Ciechanoviensis *Stanislaus Zielinski* Subda-  
*Fratres Il-* pifer Plocensis, & *Jacobus Zielinski*, Vexillifer Dobrzy-  
*lustrissimi.* nen-



nensis. Ad illorum pânegyrim hærent umbratiles ca-  
 lami, jamq; frigida timoris hyeme congelati, unicam  
 eliquare stillam nequirent, nisi splendidissimi ignes *Zie-  
 linsciane* virtutis glaciem hanc resolverent. In utroq;  
 Fratre quis non obstupuit pueritiæ auroram, quam do-  
 ctior Phæbus comitabatur, illustris omnino satelles.  
 In tenera ætatis concha, clauferunt nobilem prudentiæ  
 gemmam, circulari æternitatis annulo inferendam.  
 Quilibet vaticinari potêrat, ex utriusq; *Zielinscj* juve-  
 nili indole, quantus posthac futurus esset; neq; spem  
 elusit eventus, quia omni tinctum literaturâ, tot pu-  
 blicæ functiones probârunt. Multi infantilibus fasciis  
 felicissimas evolvunt prognoses, in patritijs cunis scri-  
 bunt futuræ virtutis omina parvis pusionibus; si verò  
 maturior ætas votis illorum non respondeat, cælorum  
 influxus accusant, ignauo homini, cancri tarditatem,  
 choleroico, Scorpionis iracundiam appingunt. Frustra  
 spes in herba vernans aspicitur, quam sequens tem-  
 pus suâ falce demetit, culmum non expectans. Non-  
 nulli sperant auream prolem, sed simul timent ne sit  
 plumbea; timere autem desinent, si sperare desierint,  
 quia spem metus sequitur; utrumq; pendentis animi  
 est, utrumq; futuri expectatione solliciti. Respon-  
 dit non dubiæ spei uterq; *Zielinscius*, quam in primo  
 juventutis illorum flore, multorum formabant augu-  
 ria. Probata in rebus arduis actiuitas Vexilliferi Do-  
 brzynensis, Nuntij Terrestris munus aliquoties prome-  
 ruit. Verborum gravitas Poloni huiusce Demosthenis  
 semper plausum accepit, quia mille digna elogijs. Vl-  
 trò pennam influit *Ludovicus Zielinski* Thesaurarius *Ludovicus*  
 Lomzensis, ex Teressia Brzozzczonka Filia Succamerarij *Zielinski.*  
 Nurensis natus. Limatum tanti viri ingenium suspexit  
 Polona Themis, ubi anno præsentis Depatatus in Tribu-  
 nali sua affabilitate venabatur bonorum animos; malo-  
 rum crimina, irrevocabili sententiâ plectebat. non  
 ignarus illius effati: ita parcendum esse uni, ut cle-  
 mentię fructus ad multos perveniat, ita fulminandum,



ut sternantur paucissimi, quàm plurimi terreantur. Alibi centoculum agit Argum respectus, apud *Zielin-*  
*scium* etiam exoculatus locum non habuit. Rectissi-  
 mus causarum arbiter, nunquàm venalem proposuit  
 justitiam, quia illius gladium, aurea cote hebetari, non  
 acui putavit. Sæpenumerò infirmitas causæ etiam  
 agonizantis non timetur, dum remedia juris acquiri,  
 & emi possunt. Podagricum aliàs negotium optime in-  
 cedit, si donantis dextera, chiragram non patiat. Dare  
 tamen consilium ad rem pessimam meliorandam  
 ob alicuius præmij illecebram, idem est, quod medicinæ  
 locò venenum propinare. Aurum quippè iniquitatis  
 est clypeus. Misera innocentia, sub nocente iudice,  
 quæ se eodem scuto defendere debet, quo summa sce-  
 lera defenduntur. Nemo vidit aureo hoc umbone ar-  
 matum *Zielin*scij pectus; non enim erubescit veritas,  
 si nuda appareat, pulchrior illi sua nuditas, quam si  
 auro bracteatos cultus induat. Majorem adhuc *Zie-*  
*linsciana* gloriæ campum ingredi liceat, in quo sagaci-  
 or observabit pupilla lectissimam Fratrum triadem, si-  
 mul & semel legationis munere functam in Comitijis

*Tres Zielin-*Regni, videlicet *Joannem Zielinski* Gubernatorem Cie-  
*linsciji simul*chanoviensē, *Iacobū* Vexilliferū Dobrzynensē, *Ludovi-*  
*& semel*cum Thesaurariū Lomzensē; Quorū magna Nomina  
*Nuntij Ter*venerabundus calamus tenuiori stylo delibavit. No-  
*restres in*bilis hic Fratrum ternio omnes difficultatum fluctus,  
*Comitijis.* melius quàm tridens Neptuni maris tempestatem seda-  
 re potuit. Ad Phænicis raritatem accessit, pulchram  
 adeò spectare Fratrum coronam, quæ pro gemmis uni-  
 one animorum ornata in conspectu tot Procerum re-  
 splenduit. Vectigale meretur encomium in castris  
 exercita virtus *Caroli, Adalberti, & Francisci Zielin-*  
*Carolus,*  
*Adalbertus*  
*& Franci*  
*scus Zielin-*  
*scij cata-*  
*phraetæ co-*  
*hortis mili-*  
*tes.*  
*orum,* cataphraetæ cohortis militum. Nunquàm fru-  
 stra per auras ventilatum mucronem in illorum mani-  
 bus observavit Gradivus, quia semper capulotenus, bar-  
 barorum pectoribus immersum, vix advertere potuit.  
 Ad Viennam victore gladio messuerunt Turcarū capita,

qui-



quibus computandis curiosa arithmeticonum numeratio lassaretur. Infra Iulij Kalendas leo solis stationarius, novos in illo conflictu aspexit leones *Zielinscios*, qui generoso spiritu Musurmanorum cuneos frangebant. Ardentiùs cælesti Sirio tunc lucente flagrabant illorum pectora; videre fuit scintillantes omnium oculos, ignescentes ad prælium vultus, Martiali æstu fumantia capita, flammam vibrantes gladios, accensâ Bellonæ facibus frontem, æstivos superantem calores. Ultra Hierasum, Seretumq; fluvios, ultra Budziacenses campos, generosissima *Zielinsciorum* trias palmares promovit gressus, novos quæsitura triumphos. Toties à Patritio illorum Apro admorsi Threycij canes, procul eundem allatrare suis vocibus cogebantur, vel intra sylvarum saltus ululantes, iniquæ forti adgremiebant.

Et Maternæ Domûs Illustrissimi Antecessores *Zawadzcy*, Capitolium Infulati Tui Honoris *Illustrissime Præsul* triumphali passu ingrediantur necesse. *Alexius* <sup>Alexius</sup> *Zawadzki*, *Isabellæ Sigismundi I. Regis Poloniæ Filix*, <sup>Zawadzki</sup> <sup>Supremus</sup> in Hungariam proficiscenti, ad Regem *Ioannem* suum <sup>aulæ Præf-</sup> <sup>ectus</sup> <sup>Regin.</sup> <sup>Isabellæ.</sup> maritum, Supremus Aulæ Præfectus designatur. Post fata *Ioannis*, prudentissimo *Zawadzcy* consilio voluit niti Regina *Isabella*, semper felici rerum eventu, quia magni ingenij Consiliarium adscivit. Fregit ille omnem difficultatum glaciem, Gordio nodo perplexiores negotiorum ambages dissolvit. Et quia invidiæ optima displicent, pessima verò arrident, sub peregrino sole suos invenit Zoilos *Alexius*, qui sibi venenum propinârunt. Quosdam ita vitium fecit virtuti infensos, ut quos imitari vel nolunt, vel nequeunt, perdere festinant stimulante invidiâ, quæ ibi primò moritur, ubi non habet quod absumat. Tunc vel maximè livor fremere didicit, quandò emeritam virtutem novi stipant honores. Nempè pyratice indolis est, quæ vacuis navibus parcit, onustas infestat. Non effugit invidos suæ fortunæ Momos *Zawadzcius*, à quibus porrectum virus accepit. Hausto fatali toxico, sensim tabescere incepit, & invidiæ



diæ cedere ratus, in Patriam remeans supremum clausit diem. *Adalbertus Zawadzki*, vir pace & bello clarus, sed pietate in Deum, & avita religione clarior, cuius evidens argumentum reliquit, Vulcano mandans libros hæresim sapientes. Nullum avidius pabulum depascebantur voraces flammæ, quàm illos codices, hæretica imbutos pravitate, per chartas liberiùs grassabantur ignes, perversæ doctrinæ feraces periodos absu-  
mebant. Tales libri non alià luce digni fuerunt, nisi

*Bartholomæus Zawadzki Cracoviensis.*

illâ, quæ in fatali rogo accenditur. *Bartholomæus Zawadzki*, Filius *Adalberti*, velut studiosa apis, in doctioribus libris flores indagavit, è quibus mella sapientiæ legeret, illustribus ceris infundenda. In literaria arena sepelivit omnem ignaviam, & nè sua pompa funeri deesset, millenas faces accendit, ad quas insomnes frangebant noctes. Non tantùm venerabunda patria suspexit elevatæ mentis fastigium in tenera illius ætate, etiam exteræ nationes stupuerunt. Multi à septenis Nili ostijs crocodyli revertuntur, ex Africa monstra redeunt. Europam portant per orbem, non Ioves tamen, sed boves cum illa domum repetunt: *Zawadzcius* ab extero climate quandam scientiæ encyclopædiam reportavit. *Sigismundi Augusti*, & *Stephani* Regum Poloniæ, apud Imperatores diversosq; Christiani orbis Principes frequenter publicum egit oratorem. Benè sentire omnium est, benè loqui, Magnorum: *Bartholomæus* non tantùm benè, sed etiam optimè locutus, non immeritò os Principum Serenissimorum appellandus. Mirabantur exteri sub frigida natum Parrhaside, dicendi fervore omnium accendisse animos, ad ea, quæcunq; diserto sva-  
debat eloquio. Triplici Canonicorum Collegio insertus, Cracoviensi, Plocensi, Pultoviensi, dignum Infula caput ostendit, quam eidem *Stephanus* Rex brevi conferendum destinaverat, nisi regalem thronum invadentibus fatis concessisset. Et quamvis Episcopale pedum

*Ioannes Zawadzki Iudex Ciechanoviensis.*

non tenuit, satis est, quod illud tanti Regis iudicio meruerit. *Ioannes Zawadzki* Iudex Ciechanoviensis;  
*Adal-*



*Adalberti* Frater, pari eruditione juvenilem prætextam ornavit. Non sufficebat ut illius diligentiam innube cælum uno tantum solis oculo spectaret, ideoq; sub nocturni temporis conticinium è suis stellis innumeras aperuit pupillas, quibus laboriosas eiusdem lucubrationes aspiceret. Aulam *Sigismundi Augusti*, suæ politici palæstram elegit, in virili ætate *Stephani* Regis individuus comes, cui ad Moschoviticum bellū ituro præstò adfuit. Expavit Moschoviticus Draco gentilitia illius Cornua, ne profundius suo capiti infixæ sentiret, ideoq; mitius sapere didicit. Contra rebelliones Gedanensium *Zborovio* Duci adhæsit, partim affabilitate, partim asperiori supercilio obstinatum illorum compescens proterviam. *Sigismundo* III. ad capeffendum venienti dominium, ad littus maris Balthici cum numerofo militum delectu occurrit. Ipsi tumentes æquoris fluctus erectas flexerunt cervices in adorationem Serenissimi Monarchæ. Et quia voce non potuit salutare gratissimum hospitem lætior Neptunus, aquarum murmure loqui videbatur. Exarserat Civilis belli incendium sub *Sigismundo* III. malevolorum insolentiâ succendente exitialem flammam. Fidelitatem Principi servans *Ioannes*, vitæ suæ strui insidias à rebellibus non advertens, vix easdem evasit. Iracundiâ frendentes *Zoili* Regis gratiam *Zawadzcio* invidebant, illibatum ejus candorem erga Principem Titanico aspectu dedignabantur. Ita nunquam sinister animus rectè videt, quod injustè invidet, nec facilius noctuæ quàm in aliena luce caligant. Vicit *Ioannes* Vatiniana hæc odia, ridens improbos rebellium conatus, qui innocuo, ipsius sanguine extinguere volebant iracundiæ sitim, canumq; illum olorem, quia senio confectum proprii cruoris Rubiconi innatantem videre cupiebant. *Ioannes Zawadzki* <sup>*Ioannes Zawadzki*</sup> primò Castellanus Gedanensis, postea Palatinus Parnavien- <sup>*Palatinus Parnavien-*</sup> sis. <sup>*sis.*</sup> Juvenis in Belgio militari arte instructus sub Ductore exercituum Comite ab Emden, redux in patriam ab anno vigesimo, ad sexagesimum



simum tertium multis in bello periculis vitam pro me-  
 ta posuit inconcussi pectoris heros. In præliis maxi-  
 mum ijs discrimen, qui maximè timent, audacia pro  
 muro habetur. Quanta demum est animi magnitudo  
 ad id sua sponte descendere; quod nec ad extrema qui-  
 dem redactis timendum sit, & hoc est præoccupare tela  
 fortunæ. Actuosa in omnibus dexteritate tot Commis-  
 siones obivit *Zawadzcius*, ad Duces Prussiæ, & Curlan-  
 diæ, ad imperij Principes summo cum applausu. A  
 Rege *Vladislao IV.* ad Reginam Sveciæ Palatinam  
 Rheni, *Mariam* Ducissam Nivernensem Principem  
 Belgij, ad Status fæderatos, deniq; ad Reges Galliæ, &  
 Britanniæ grauissimas expediens Legationes, & orbi  
 Polono, & exteris stupendam versati ingenij activitatem  
 ostendit. Ex Illustrissima Consorte Sophia de Szcze-  
 rin vetustissimæ Stirpis Germaniæ Comitum tres Fi-  
 lios reliquit: *Ioannem, Vladislaum, & Fridericum*. *Io-*  
*annes Zawadzki* maximus natus, Succamerarius Parna-  
 viensis, Gubernator Svecensis, egregium magnæ in-  
 dolis specimen dedit sua in Gallias & Germaniam pere-  
 grinatione. Vix in patrios remeavit limites in Tribuna-  
 lis regni subsellio alter Lycurgus ita gravia causarū mo-  
 menta librare didicit, ut iustitiam delicatissimam legum  
 pupillam non læderet. Nuntium in Comitijis agens,  
 nō verborū purpurisso, sed animi candore bonū publi-  
 cum promovit. *Vladislaus & Fridericus Zawadzci*,  
 ferro, & ingenij acie Polonam libertatem semper de-  
 fensabant. Adhuc teneriore manu doctiores Apollinis  
 lauros uterq; nexuit, quibus post hac meritum caput  
 coronaret. Ambo magnanimi herodēs madentem ho-  
 stili sanguine mucronem irrequieto agitabant motu,  
 non ignari quòd eductus vaginā gladius nisi sanguine  
 tingatur, cum rubore in eadem reconditur. Longum  
 esset plures statuere columnas Tuæ Domus *Præsul Il-*  
*lustrissime* ex materna *Zawadzci* Stirpe, tantas ba-  
 ses tenuis pagina sustentare nequit, sub quarum ponde-  
 re etiam orbis Polonus fatiscit.

*Ioannes*  
*Zawadzki*  
*Succamera-*  
*rius Parna-*  
*viensis.*

*Vladislaus*  
*& Frideri-*  
*cus Za-*  
*wadzci.*






# TRIUMPHVS

SECVNDS:

## Colligatas Familias

Ad Capitolium

DEDVCENS.



Vgustum purpurati honoris Capitoli-  
um nulli competitore voto exambire  
licuit, nisi qui luctæ & supremis la-  
boribus indefessum victimavit lacer-  
tum. *Illustrissime & Reverendissime*  
*Antistes.* Illos enim coronarij regum  
cinctus constringunt vertices, qui am-  
pliatam in fatigia mentem nutriuerunt; in illa defluâ  
pronitate gemmea tempestas diadematum pretiosis flu-  
ctibus devolvitur tempora, quæ profundis annibus o-  
perosi sudoris innatabant. Aliàs rarus Iason aureo di-  
tioris Colchidis intensa desideria coronabit spolio, ni  
scyllarum rabiem, & armatum sævis Aquilonibus occa-  
num, metu prætendente pericula, evicerit. Vndè  
prius extensa iugera, & salebrosos emetiendi calles sta-  
dij athleticum prægustet vestigium, si aureos regij ho-  
noris fructus, & coronatam adoreis metam libuit deli-  
bare. Auersantur Illustres tituli tenebris & otio ad-  
dictas mentes; fugit decorum trabæ purpurissum illos  
humeros, quos nullum onus examinatore periculo ex-  
ploravit. Scilicet sublimatus dignitatis apex, quò al-  
tius elevatur, eò asperiore turgescit arduitate, eminen-  
te supercilio animo luctatori minando ex alto labores.  
Citiùs quia decennali prælio, in deditiōē obstinata in-  
clinabis Pergama; citiùs cum Annibale chalybeis malle-  
orum ictibus proteruam Alpium emollics duritiem;

*Ardua ad  
honores  
via.*



rigentia inconcusso adamante honoris liminā quamvis  
 sæculari oppugnes luctamine, in pertinacem Caucasæ  
 filicis venam occalescēt. Et quamvis mole ruit suā,  
 quod fortuna magnificis solidavit ausis; tamen inacces-  
 sam dignitatum arcem ad cō firmo roboravit munimine,  
 ut licet Herculeis tumescas viribus, licet in suppetias  
 centimanum accersas Briareum, refractarium reluctan-  
 tis Numinis nolle minimè in vota tua inflexisti. Per  
 Iouem! quot hīc numeraveris, qui vitam amiserunt,  
 ut invenirent fasces; ut elevassent coronatum sinciput,  
 colla fregerunt, ut rubuissent Tyri conchylio, sanguine  
 manarunt proprio, ut infra superbum pedem relicto  
 vulgo sublimia scandissent pugnata, ad ima profundæ  
 abyssi ceciderunt! *Idem omnes accendit honos, idem ex-  
 citat ardor, certatim insiliunt quā semita ducit in altum:  
 arripiuntq; gradus, quos mordicis ore tuentur, exercentq;  
 manus, & se statione vicissim proturbant, tolluntq; caput,  
 calcantq; relictos.* Retundit nos indignabunda fortunæ  
 aversio, tamen accedimus; confundit ausum, & tamen  
 præcipitamus assultum; enervat arduitate robur, & ta-  
 men vires fractas colligimus: non secus atq; lymphati-  
 ca undæ insolescentis procella, quoties violento impul-  
 su in faxeum impacta scopulum, semper repercussa di-  
 scedit: aut ille temerarius Gigantum ausus, ubi per ac-  
 cumulatos montium acervos cælum intentat scandere,  
 à potentia vibrati fulminis deiectus, pro ambitione  
 Ætneo oppressus pondere, ingemiscit. Nec immeritò  
 tam rigidis excubijs purpuratos postes audax fortunæ  
 armauit providentia, cū enim errabundo tenebre-  
 scentis pupillæ iudicio etiam immeritos honoratis adle-  
 gisset palatijs, nec simplex vulgus subveretur procaci-  
 bus desiderijs dignitariam accedere januam; cū eidem  
 sceptro nuper aratri insuetæ manus & quas victor exer-  
 cuit chalybs, sese obtulerunt; ut posthac dignis tantū  
 recludat aditum, vniuersis præpediuit. Vidimus quip-  
 pè non sine mentium excelsarum vulnere, vidimus in  
 Ausonia maiestate ancillā natum Varronem, & famu-  
 lum

Quia im-  
 meriti tra-  
 beas ambi-  
 unt.



10

lum orbem dominatore scēptro ad sua cernuantem imperia. Sic Cincinnatum observavimus, qui, *fessos heri duxit boves, dat magnis hodiē jura Quiritibus, & quæ bobus ademerat, imponit Gabijs & Curibus juga.* Debuccinat jactabunda voce in aures mundi septies consulari subnixus sceptro Marius: *Non possum vobis Patres Conscripti antiquas nobilitatis meæ imagines præsentare.* Hodie Premislaus ferrato vomeri obsonaturus accumbit, cras inter menfas regio apparatus luxu aureum pomum orbis illi apponit Bohemicus. Sic Lesconi rudem Polonus detraxit lacernam, monarchali oblato paludamento. Restrinxit igitur restrinxit latepatentes in trabeata penetralia fores cautior tot exemplis reddita fortunæ advertentia, ut ab hinc non cuilibet permissum sit istam adire Corinthum. Vnde quæ adoriri non valuerunt, adorare coguntur limina miseri invasores! Mendicos putares, qui ut modicam honoris emendicent portionem, vitæ tempora petendo amiserunt; ut sereniore fronte illos clementior respiciat fortuna, post querulosos singultus pluvios ab oculis destillant nimbos: vel ut mercentur aliquid, plorantis dispensant palpebræ uniones; vel ut illis obstinata pandantur limina, gemmeis globis pulsando jaculantur. Sed non voces querulæ, & pretiosæ missilium votorum hastæ honorata recludunt limina; pulset concentus virtutum, & panduntur. Hoc Tu ariete, hoc assultu pulsâsti Infulati Honoris Capitolum *Illustrissime Præsul.* Ad sonitum hunc, melius quàm ad Orphei plectrum, alijs Caucaſei, Tibi jam molliores arcis fortunæ in triumphalem choream subsiliêrunt lapides, quibus merita Infulam Tuam, & Præsuleum distinguunt Annulum. Arietâsti hanc Trojam generoso virtutis impetu, proinde dignus ipsius cæli judicio videbâre, ut *Radzieiovius Agnus*, quem & Sarmatici & Quirinales lassârunt tituli, Tuum majorem Herculeo lacertum, in oneris assumeret participium. Ex quo mensuret jam magnitudinem Tuam Lechia, examinet profundo scrutinio potentiam

*Illustrissimo  
Antistiti  
Honoris  
panditur  
ultroneè.*



brachij quibus possit sufficere purpuris, ubi post deliberationem annuam, Tu unus Archipræfuleis laboribus Alcides dignissimus censebaris. Quantus es, & quam altè verticem Tuum fortuna extulit? hinc metire, quòd nimirum *Eminentissimus Cardinalis* Comitum adoreis, Principali mitrà, Archipræfuleis Tiaris, Cardinalitio galero, & quod rei cardo est summarum mole curarum, & si quod aliud in honore celsissimo onus perpēdi solet, oppressus, proximius sibi, præter Te, non invenit fulcrū. Et hoc demum palmarium est, summorum capitum cogitationibus supparem habuisse frontem! hoc gloriosum cum Iove partiri imperium. Ac proindè indiscretum fortunæ genium nullus dixerit; solos ipsa à conclavi honorum arcet immeritos, quando Tibi meritissimo dignitarium & libenter & reverenter submittit Capitolium, non hirriente ut ad ingrati aduentum hospitis cardine. Dij illi quos fabulosa antiquitas foribus effecit Præsides, ejurârunt tunc divinitatem suam, cūm Te quasi maximum Numen terræ in trabeatis laribus suspexerunt. Quare alij maximis inceserunt tripudijs, alij tarditatem fortunæ increpabant, quòd adulto vertici Tuo adoreis, primūm hodie sublimatus Infulæ apex obtigisset. Et certè digna foret objurgationis castigari verbere, nisi paratos ictus innocentia retunderet; cò quòd magnis virtutibus Tuis proportionatum statuere præmium, non unius diei labor, sed sæculorum fatigium habeatur. Sic cujusvis textoris manus in vulgare brachium in momento lacernam texuit, splendidiore trabæ ipsius Mineræ artificiosam diu poposcerunt dexteram. De gramine & simplici flore uno quadrante plebeia manus concinnavit sertum, excelsis magnorum virorum temporibus annus integer cudit obryzum in coronam. Maturum ergo & meritum tæniâ caput Tuum redimitura fortuna, diū negavit præmium, ut dignum daret aliquando. Ita Iovi & Marti maximis Dijs per annosos tractus excitantur basilicæ ædes, sæculum & alterum Iones detriverunt, Dianæ suble-

van-



vando parietes Ephesinos : Panes ex virgultis plexo domicilio honorantur contenti. Antequam Delphus Apollinem aureo venustaret amictu, diu statuam pulveribus aspersam in tenebroso observavit ; at postquam illi in debitum circulum formavit aurum radios, aris & sanctuario impositus ipsa vultus maiestate inscijs divinitatem suam persuasit mortalibus. Distulit & Tibi *Illustrissime & Reuerendissime Præsul* in hæc usq; tempora Intulatum muricem providus honor, ut Te non cuius Aræ statuisset Antistitem, sed Archipræsuleæ. Procede ergo, procede ad istud bonis avibus fastigium ; conscende fortunatis passibus gradus purpuratos ; exsuperas secundis alitibus spes votumq; poli, quem primo à limine vitæ nutrix aula fouet, ad Honoris procede Capitolium. Ibis satis augusto tramite, quem Illustrissimi Affines Tui honoratis triverunt vestigijs. *Iacobus* Decus Poloniæ, Orthodoxæ fidei Atlas & columnen, stemma-<sup>*Iacobus Archiepiscopus Gneznensis.*</sup> tis *Zielinsciæ Domûs* gloria, *Archiepiscopus Gneznensis*, quàm manifesta Tibi reliquit vestigia ! Et sequeris hæc, virtute manuduce premis hos gradus, quos ille calcavit feliciter. Dederat *Iacobo* Martinus IV. Sarmaticos confirmandi auctoritatem Præsules ; Te jam opus confirmare non haberet, qui in stadio virtutis nunquam languidè incessisti : nullis enim adminiculis indiges, ipsa Te merita Antistitem approbârunt. Etiam *Iacobus* Noster in aurora luctabatur, ubi vigilibus excitus curis dormire non potuit, gregi commissio intendendo. Nunquam Ovile Christi pulchrius resplenduit, quàm tanto Pastore exemplis prælucente. Insigniuit & hic non jam variegato vellere, sed venustiore virtutum colore ( ut varietas Divinam oblectaret pupillam ) gregem Catholicum. Non potuit juxta Evangelicam vocem, Pastorem non audire ovis, dum *Iacobus* filius tonitru adeo fulmineo resonabat eloquio, ut orbis in eo alterum miraretur Periclem, alterum Demosthenem adoraret. Tonantem illum suspexisset Lechia, ni Iupiter attonitos in cineres & fauillas redigeret, hic suo tonitru



*Herburto-  
rum Do-  
mus.*

ad vitam plurimos animaret æternantem. Non semper tamen horrendis aures percellebat fulminibus, suavitæ dulci verba condiente; ut jam non sola antiquitas suos jactaret oratores, qui declamaturi lilijs de pectore suspensis blandimenta dictioni comparabant, postquam & huic Polono Hortensio Gnesnensia lilia disertum labium blandâ demulcebant promulsive. Vineam Christi nulli tunc deformabant stolones, quos & verbi Divini peracuto gladio, & doctæ mentis acumine amputabat. Sed triumphali Tuo in Capitolium aditui maxima quoq; *Herburtorum* allucent nomina, quorum *Ternus Acinacis* decussatim positus, vel astrum in Sarmatico accendit horifonte; vel efformat calcar excitans ad facinora sæculis memoranda. Quancquàm non eget generosa *Herburtorum* indoles ad exæquandum æternantis gloriæ stadium impulsore stimulo, cui pro Corona Lechiæ cruenta Martis decurrere olympia, amor in Patriam jure mandavit hæreditario. Illi tantum ad metuendam Bellonæ choream atq; æstus perurgeri debent mavortios, qui tunc se pro focis stare arbitrantur, cum illis assident; tunc hostem fundunt, dum prælia mensis pingunt, fusoq; metantur falerno: Illustres *Herburtorum* animæ, alios non amant ignes, nisi quos ignientis Gradiui fax in incendia suscitavit præliorum; alium, turbatæ fronti sub galeis, pulvillum non quærunt, quàm cristas martiales; aliam non expetunt quietem, quàm perpetuis excubijs in clypeo vigiles producere noctes.

*Illis sub niuibz somni, curæq; laborq;  
Pervigil, hanc requiem terris, hæc otia rebus  
Insperata dabant: quoties sub pellibus ducunt  
Edonas hyemes, & tardi flabra Bootæ.* Claud.

Quantos Domus hæc in Domum *Zielinsciam* apportet splendores? quanta deriuat lumina? nec ipse atror umbratilis paginæ referre valet. Taceo quòd eos olim Principalibus mitris sublimes adoravit Opolia; quòd senatorijs Lechia eleuavit curulibus; quòd infractos

um-



umbones in hostico locata vocavit Podolia; quòd Sarmaticæ leges eruditos agnouerunt Solones; unum dico, & uniuersa narraui, quòd *Serenissimarum Majestatum* in suam & *Zielinsciam* Domum inextinctum jubar reflexerint: postquam *Nicolaus Herburt* Castell: Camenecensis Vir sago & toga præsentis sæculo exoptandus, *Zolkieuji*: præterito inuidendus, *Zolkieuam*, Deabus uidelicet vel parem, vel superiorem, Serenam, Polonus Stilico in uitæ accepit sociam. Cynthiam hanc qui soles comitantur? ex *Serenissimo Regnatore nostro* mensuram accipe; si ex infinito magnitudine facinorum Monarchâ, potes accipere. Equidem immensitate nominis remotissimos orbis angulos excessisti, Indos & ultimos Seres Te ipso impleuisti, Herculeas columnas suppressisti, ubi post Gaditana littora, & glaciale oceanum cedros & marmoreas bases Nomen Tuum *Rex Inuictissime* fatigauit. Adeoq; confuso Pompeij fastu, securè jam ad orbem, suffulto ingentibus victorijs humero, dicere potes.

*Pars mundi mihi nulla vacat: sed tota tenetur*

*Terra meis, quocunq; jacet sub sole, trophæis.*

*Hinc me victorem gelidas ad Phasidos undas*

*Arctos habet;*

*Me domitus cognouit Arabs, me Marte feroces*

*Heniochi.*

*Lucan.*

Et quamvis Regij triūphi satis decoris adderent Triūpho Tuo *Illustrissime Antistes*, adhuc tamen illi præludunt *Zamoyscij*. Patritiæ *Zamoysciorum Hastæ*, ad Episcopalem Annum optimum noctæ hastiludium. Credimus jam Encomiastæ Honorij Claudiano, qui in ejusdem Imperatoris exercitu aduertit animatas frondibus hastas, postquā & Tibi *Zamoysciana Hastæ*, toties cruore barbarico irrigatæ victrices hodie apportant laureas. Et si olim Troiani Regnantes in publicum prodituri, hastas in fulcimenta sumebant; Tu, quem virtutis suffragium satis alto inducit fastigio, hastis *Zamoyscianis*, Pedum obtenturus Præfuleum, trabeisq; onustus, securè innite-



S. Adalb.  
cum hastis.

re. Enimverò Ecclesia militans assueverat jam *Starovianis* Hastis honorem suum defendere, etiam his tutè intaminatam suam committere potest integritatem, quæ tot Ducum gestatæ manibus, peracutis cuspidibus in hoste Patriæ impetum & robur hebetârunt. Adeo quippè *Zamoysciorum* avitus Hastarum ternio zelosè pro honore Divino dimicare amat, ut admirationem extinguat Romanam, quæ bello civili accensas hastas in militari manu obstupuit. Habebit *Divus Adalbertus* quo suam defendet Ecclesiam, neq; jam remos illi abhinc pictorum addiderit penicillus, cui jam tot hastæ præstò sunt, ut quamvis illi *Otto III. Imperator* pro donata *Divi Mauritij hasta* brachium ademerit, tamen tot sarissis armatus, & suis videlicet quibus confossus; & Divini Herois *Mauritij*, & *Zamoyscianis*, validos hostilitatis impetus represserit. Prævolant fortunatissimum passum Tuum *Illustrissime Domine Dziatynsciorum Sagittæ*, in summo honorum clivo scopum præfigentes terminalem. Nempè avitum hoc telum quod in barbaris scrutabatur mortes pectoribus, solum arcum exambit triumphalem, cui non alius color, præter hosticum cruorem, æternantis gloriæ impressit symbola. Merisset toties naufragis Syrtibus Scythicus exundans Bosphorus, vel ferrea diluvies Gradii tempestuosam excitans procellam, nisi *Dziatynia* Sagitta inter has nubes tumultuantium bellorum arcum fæderis intenderet. Et verò alatum famæ pernicis remigium, sagittam hanc suis instruxit pennis, ut Aquilam Lechiæ sub concavum Othomanici volantem Planetæ sequeretur. Adeoq; veritas pateret narrantium vatum, Sagittas lumen solis aliquando obscurasse; quandò & hæc Auita Sagitta Turcico sideri non semel extinguere cornua attentavit, quæ in nostram ruinam attollebat. Nescit quippè volatica *Dziatynsciorum* Sagitta aliud centrum appetere, se intenso virtutis nervo propellente, quàm quod vel hosticæ objectant frontes, vel debita sublimant fastigia. Non refodiam vel ipso Sagittæ huius  
sty.



stylo, tot purpuris rubentes *Dzialynios*, Antigonus es  
 pro omnibus *Illustrissime Incisor Regni*. Tibi Patritius  
 Annulus velut quadam compede servituram obstrinxit <sup>*Illustriss.*</sup>  
 fortunam; hæc Clavis quam Tibi ad Prussicum ærarium <sup>*Regni In-*</sup>  
 clementissimâ manu *Serenissimus Regnator* tradidit, o-  
 mnes honorum aperiet januas. *Krasinia Volucris* au- <sup>*Krasinij.*</sup>  
 spicato Tuo ingressui ad Capitolium bonas præmittit  
 Aves *Illustrissime Præsul*. Et quia magnitudo virtutis  
 Tuæ sublimem necesse præoccupet clivum, utere Ali-  
 tis huius pernici remigio, & summis meritis conveni-  
 ens tene præmium. Nec expauesce Icarix sonitum  
 ruinæ, hoc nixus adminiculo; *Krasinius Coruus*, infra  
 toties æmulum sideribus relinquens olympum, sub  
 ipsum solis euectus radium, indefessas alas sublimibus  
 assuefecit; ideoq; vicino adustus Phæbo, adhuc insper-  
 sum pennis circumfert atrorem. Nempè solæ purpu-  
 ræ, *Krasinix* Aui optimum præbent illicium; nec in in-  
 finis confidere potuit, quam augustus Sceptri Pannoni-  
 ci apex in *Mathia Corvino* deportavit. Et verò affini-  
 tate Vestra ad murices, totum fortunæ ad incitas rede-  
 gisti ærarium *Illustrissimi Krasinij*, quæ cum Vobis ex  
 æquo ingentia merita compensare non valet, obærata  
 Domui Vestræ in æternum se mancipium debebit ob-  
 stringere. Si enim vellet Palatinis se exsoluere hono-  
 ribus, *hos jam gessistis honores*; si Castellana obtulerit <sup>*Omnibus*</sup>  
 sedilia, in his jam pridem didicistis sensus formare gra- <sup>*decorati*</sup>  
 ues; si gemmas Regni signatorias expendere præsum- <sup>*trabens.*</sup>  
 pserit, has *Francisci* tractarunt; si Intulas, & has eme-  
 rito tubleuarunt vertice; si Ducales Clavas ingesserit,  
 his Vratislai Mæoticæ paludis lernas terruerant; si de-  
 niq; Patrium Thesaurum deposuerit, hunc *Ioannes* Pa-  
 rens Tuus *Illustrissime Palatine Plocensis* pretio gloriæ <sup>*Illustriss.*</sup>  
 suæ Aureus Sarmatiæ Vir adauxerat: Tu ipse *Illustrissi-* <sup>*Palatinus*</sup>  
*me Palatine*, licet Te tot merita Antecessorum non præ- <sup>*Plocensis.*</sup>  
 iuissent, divitem honorum penum ad penuriam deduxi-  
 sti. Sive enim *incedis clypeatus, & auro squammeus, &*  
*rutilus cristis, & casside major*, sive dum in promissiore



*Illustrissimi  
Filius Sta-  
nislæus Ca-  
pitæ. Stu-  
densis.*

*Varsoviæ  
in Scholis  
Pijæ studet.*

togâ oracula Regis eloquio creuere Tuo; ubiq; emines,  
ubiq; Te ipso maior esse videris. Vndè hæc purpura  
quæ Tuos uestiuit lacertos inuidiam movet alijs, quod  
illis non liceat, humerum Tuum centum trabecis di-  
gnum decorare. Adeoq; pacatas togas jam in certam-  
en de Te ipso evocasti, & cum singulæ habere non  
possunt, in Magnanimam Prolem Tuam conspirarunt.  
Iamq; invaderent hunc & egregijs dotibus, & sanguine  
Illustrissimo Candidatum, nisi illum vel teneritudo an-  
norum, vel doctæ Palladis umbo defensaret: jam digni-  
tarios fasces manibus infererent, nisi calamus scholasti-  
cus vel Parnassi verbenæ præpedirent. Nunquam au-  
gustiores, quamvis fabulis & antiquâ superstitione senex  
Iupiter, in cerebro suo situavit maiestatem Minervæ,  
quàm Tuus vertex; nunquam vibrantiore Apollo coru-  
scavit radio, quàm frons Tua prompto acumine, ubi  
quodlibet verbum, aureum excessit valorem, quælibet  
dictio, pretium ademit unionibus. Vndè non invide-  
mus jam fulmineos Græciæ Pericles, & Demosthenes,  
postquàm illi ad excutiendum linguæ vitium scabrosum  
præguotare debuerunt lapillum, Tu non ex Erythreo ma-  
ri, sed ex fontibus Rhetoricis tractam gemmarum supel-  
lectilem in expolito verborum decore ostentasti. Qui-  
cunque pueritiam & maturitatem iudicij Tui con-  
siderat, naturæ ordinem mutatum admiratur, quæ Te  
prius Virum, quàm juvenem declarat. Grandes hono-  
rum tituli tarditatem redarguunt, quod nondum jisdem  
suppar evasisti; malletq; Gradivus, ut annorum Tuorum  
clepsydræ mensuraret pulvis bellicus, quàm arena  
scholastica. Sed erit tempus, quandò pleniore lacerto  
longas adæquabis togas; venient breui illæ kalendæ,  
quas corusco clypei Tui orbe illustrabis. Ibis Giganteo  
passu à Parnasso ad Mauortiam Rhodopem, ab Helico-  
nijs cytharis, ad saltum Bellonæ, à proscenijs ad cruentū  
theatrū Martis, à gymnasticis præludijs, ad tubas & clas-  
sica, ab exedris doctioribus, ad curules Senatorias. Tan-  
tis stipatus nominibus ingrederis Capitolium honoris

*An-*



*Antistes Illustrissime.* Comitantur Te Aviti *Sczawiniorum* Leones; ut jam non ipsi Imperatores Romani ad *Sczawinij.* Tarpeia leonibus vcherentur culmina. Hic trabeatus *Mnienscij.* *Mnieusciorum*, purpuratus *Lasocciorum*, in laticlavijs *Lasoccij.* *Narzyszciorum*, decorus *Galemsciorum*, in togis *Mostonsciorum*, in sago & chlamydibus *Kosobucciorum* ordo; quorum Patritiæ decus soleæ barbaras premendo cervices, non titubante gressu, quia horridis armatum uncinis, Geticam aut Moschoviticam persequendo feritatem sub frigidam Arcton, *Et quâ bruma rigens ac nescia vere remitti adstringit scythicum glaciali frigore pontum*, excurrerat. Non grauat ferreum hoc insigne Generosam *Lasocciorum* indolem, quin possint vel in arenam bellatoris Gradivi velociore subsilire pedemate, vel in purpuratos dignitatum gradus eluctari. Vnde si in hac gentilitia tessera splendorem observas, in acie bellica expolita, *longo splendescit ab usu*: si rubiginem notas, hanc illi cruor inspergit barbarorum. Ideoq; nihil Te *Illustrissime Antistes* in his Infulatæ dignitatis Olympijs retardare valet, quando velocibus avitæ soleæ vestigijs tot Illustrium Domorum insistas, & Patritia *Gembiccij.* *Gembicciorum* Fascia optimè Te ad iter succingit triumphale. *Pariss.* Sic metuendus *Parissorum* Leo, rigido ungue orbicularem circulum triumphali Tuo currui libenter exporrigit. *Gninscij.* *Gninscianus* Draco, optimi itineris (juxta antiquorum observationem,) præfagia facit. *Oborsciorum* Columna Tuis meritis *plus ultra* honorum inscripsit. *Szydłowszciorum* Vrsus insidens fortis Amazon, sublati in æthera palmis alta tibi acclinare vult fastigia; vel felicissimæ inaugurationi applausus intentat excitare, vel sibi demonstrat, quàm sublimia dignitatum ascensurus es culmina. *Roscińszewsciorum* Agnus, obstinatis fortunæ liminibus grandem admovet arietem. In *Garwaszcianis* Turribus occursum humanus expectat Heros. *Novodworsciorum* Fascia fortunæ versatilem genium nodo adstringit Gordio. *Vchanscia* Labara in deditionem panduntur Capitolijs. *Vchanscij.* Augent gloriam introitus *Noskowszcij.*



*Wscij, Kuczborscij, Podoscij, Brzoska, Mdzenscy, Slesyn-  
Niszczycijscy, Duciminscy.* Imples agmen *Illustris & Magnifice  
Domine Vexillifer Plocensis*; præparas viam Magne an-  
teambulo *Radziewianæ* Curia: tot jam annis Primati-  
alis Aulæ directorem supportas Scipionem; efflorescet  
hic breui in fasces Senatorios; Ibis & Tu ad culmē hono-  
ris, inferes emeritum brachium laticlavio, quod jam pe-  
nes Cardinalem muricem ad purpurissum exercuisti.

*Grzybons.* *Grzybonsciorum* quoq; Falces, metendis victricibus fer-  
tis & hosticis capitibus assuetæ, aggregandis fascibus

*Zawadzka* *Antistitis Illustriss* aptantur. Bicornem Infulam *Za-  
Parens Illu- wadzsciorum* sublimant *Cornua*. Ex quo jam non tan-  
*strissimi.* tum sublimi feries sidera vertice, verum Maximus Dei

Sacerdos in splendore vultus Tui ad familiare cum sum-  
mo Numine accedes colloquium. Corneis quondam  
buccinis Iubileum declarabatur; magnum hodie Or-  
thodoxa Ecclesia Iubileum agit, quando Te lætiore ju-  
bilo salutat Præfulem. Dedecit & *Morsstynia* Luna  
de cælo suo, ut cornibus suis expungat admirationem  
Ovidio, qui stupuit olim *in numeris structam de cornibus  
aram*; quando Altare hoc sanctum, coram quo Maxi-  
ma Deo cadis victima, Maternæ Domus adornant Cor-  
nua. Non indiga enim est *Morsstynia* Phæbe luminis,

*Illustriss.* ubi ipse *Illustrissimus Castellanus Cernensis*, sive telum  
*Castellanus* quod in hostem vibrat, sive oracula quæ togatus pro-  
*Cernensis* mit, consideres, Cynthius est ex utroq;. Et *Zawadz-  
Morsstyn.* cianæ Cruces

non solum Magno, sed etiam Tibi Maxi-  
mo præludunt ad triumphum *Constantino*. In quo  
*Zawadzscij* virtutis gradu constititis *Illustrissimi Zawadzscij*, facile

*Stemm:* computamus, ex trino Crucis Vestrae numero, cum  
*Brodzic.* alijs in octavo summa perfectio est. Nunquam meli-  
ore fulcro integritatem suam fulcire potuit Sarmatia,  
quàm Vestrae Crucis subnixa labaro. Dispulit illa to-  
ties hoc signo salutifero à Mæotide scythica confur-

*Kęczewscij* gentem bellorum tempestatem. Sic *Kęczewscianæ* An-  
sæ basilicos *Zielinsciane* Domui struunt titulos. Tan-  
tis ergo circumfusus decoribus *Præsul Illustriss.* ingredi

HONORIS CAPITOLIVM.



# TRIUMPHVS

TERTIVS

Illustriss. Constantinum

In Capitolio

SISTENS.



Actenus per augusta sanguinis Tui decora, & trabèatum Domûs Patritiæ muricem, impar tantis curulibus processit suada, donec post adoratos Maiores, ad Te Magnum veniret *Constantinum Illustrissime Domine*. Vivunt illi in Te, acerbo funerum deplorati luctu; vivis Tu in illorum mortibus posthuma Avitarum virtutum Icon: ut vel omnes immortales sint, vel Tu immortalitatem singulis dedisse videaris. Semisæculi pronò annorum cursu abierunt sæcula, quanta temporum abyssus! à quo sub *Boleslai Crispi* regnatore sceptro Domûs Tuæ exorti splendores, Sarmaticæ Aquilæ pupillam everberant nitore luminum; adhuc tamen inter tantas ætatum umbras, lucet *Zielinsciorum* extinctum jubar, cui Tu in medio Parcarum occasu accendis meridiem *Illustrissimus*. Quidquid enim profunda fati obliuio per Antenatorum Tuorum divos obliteravit cineres, totum gloriosiore meritorum typo refricas, Avis decorus, Avorum decus. Dedisti in Te documentum orbi, quòd extingui nequeant à stirpe præclara traduces Cera, si non obscurâ filiorum nutriantur indole. Stringit quidem liberalis in cædes humanas Parca lethali ictu minacem chalybem, stringit fatale ferrum, sed non adeursus illorum vitam, quibus aurei

*Zielinsciorum*  
Domus Anno 1148.  
capta sub  
Boleslao  
Crispo.



Nepotes successerunt. Morienti parentum gloriæ,  
 patres sunt filij, quoties in illis renascitur hæres fama.  
 Quod *Zielinsciani* cælum Nominis incolvulso flet fi-  
 xum cardine, non Mauritanî Gigantis brachio, sed Tu-  
 is debet viribus Atlas *Illustrissime*. Te uno Magnus ille  
 sanguis Aviti vivit spiritus; Tu unus anima es *Zielin-*  
*scianæ* immortalitatis; in Te velut in Gratiani pectore,  
 omnium respirat vita: ut Plinianæ illius assentationis  
 hyperbole, in genuinæ veritatis conuertatur documen-  
 tum: *vitâ Tuâ omnes fruimur, nec animarum nostra-*  
*rum, sed Tuus spirat in nobis vigor.* Vix enim incepti-  
 sti vivere, jam vitam saluti dabas Patriæ; prima dies,  
 quæ Te hominem effudit orbi, æternitas fuit *Zielin-*  
*scianæ* gloriæ; ipsedemq; Tecum convoluta fascijs maxi-  
 ma Majorum crescebat virtus, canusq; Avorum ho-  
 nor cunas ingrediens, supercilij & rugarum oblitus illi  
 Tecum prælusit immortalitati, quam Tua pollicebatur  
 indoles, spem eventu consequente. Porro tantus sta-  
 tim in aurora fuisti, ut si ter centum sæculis adultæ Pla-  
 tonis dies Tuæ nativitatis Phosphoro conferantur, um-  
 bræ erunt, & velamina tenebrarum. Attonita in Tuo  
 ortu quodammodo natura, oblita est genituræ humanæ  
 legum, quando simul infantem, simul Magnum (cui  
 non æquarentur maximi) genuit *Constantinum*. Hoc  
 Tibi Nomen emanavit è scaturigine fontis lustrici. Sa-  
 cramento jam obligabaris ad magnitudinem, quam  
 nunc Magnus *Zielinsciano* sanguine, major Tuis virtu-  
 tibus, Maximus Te ipso, exhibes *Antistes Reverendissime*.  
 Alij per gradus & intervalla annorum consummatam ho-  
 minis implent perfectionem, infantiam pueritia, pueri-  
 tiam juvenus, juventutem adolescentia, adolescentiam  
 virilitas, virilitatem sensum & prudentiæ Academia  
 senectus, comitatur. Tu uno passu omne hoc ætatis  
 humanæ transcendisti stadium, statim *Constantinus*, sta-  
 tim Magnus, statim Majorum Magnitudo. Illæ ipsæ  
 regenerantes aquæ, quæ Te abluebant, Civilis & sacri  
 honoris destinabant Candidatum; illud ipsum Laticis  
 fa-

*Constantini*  
*Nomine ba-*  
*ptizatur.*



sacramentalis faxum, suffragator erat, ad Præsulem Ty-  
 ram calculus; ille ipse qui Tibi accendebatur Cereus,  
 quantum in Ecclesiæ candelabro futurus eras lumen,  
 quam *Illustrissimus* clarius luce meridiana demonstrabat.  
 Portabaris in ulnis sistenda Deo ad aram victima, &  
 jam ivisti per ora omnium, de Tua magnitudine augu-  
 rantium. Adhuc brachia complexæ fasciæ ex lucta  
 non dimittebant infantiam, & jam Episcopalis tænia  
 parabat vinculum, quo Te omnis inimicum honoris,  
 Honori adstringeret Præsuleo; necdum proprio instans  
 vestigio, & jam *Constantinus*. Scilicet: Magnæ Indoles  
 non expectant rugam, cuius aratæ fulco fæcundam Pa-  
 triæ polliceantur messem, simul florem explicant, simul  
 fructum præbent. Sicut soles, qui in ortu statim to-  
 tum effundunt lumen, nec differunt jubar in meridiem,  
 sed oriuntur, & rutilant. Quidquid futurus eras, jam  
 tunc fuisti, quando esse incipiebas; ut dubium nobis fe-  
 ceris, majorné ante magnitudinem fueris, an semper  
 Maximus Magne *Constantine*. Novennis dedicatus *Studia gra-*  
 Apollini, ultra bicollem ipsis excreuisti Parnassum, *Etas.*  
 qui licet utroq; sub nubes eluctaretur vertice, unum ta-  
 men Tuum non potuit æquare caput. Vnde flere de-  
 buit integrâ Hipocrene Helicon, quod à Te sua numina  
 viderit superari. Nempè ingenitæ probitati acquisitam  
 adiiciens, ipsismet eruditoribus Tuis fuisti schola, ubi  
 ea in Te discerent, quæ docebant. Felix ager, cultu-  
 ram omnem præueniens, cum nè quidem vernant alij,  
 autumnasti, semper majora pollicitus, cum dares maxi-  
 ma. Literarum ingressus aciem, in ipso *Zielinscy* No-  
 mine, omnibus præripiebas herbam; sequi Te trium-  
 phale erat, non assequi gloriosum. Currebas Magne  
*Constantine*, (ut olim Magnus coram Macedonia, par-  
 vus coram Te Alexander) currebas ad bravium cum re-  
 gijs collactancorum conatibus, nullus tamen præter Te  
 coronam reportavit; fatis existimans stadio Tecum in-  
 terfuisse, cum ad metam venire præ Tua alacritate non  
 liceret. Prima studiorum germina *Iagellonico* consecrâ-



In Alma  
Universita-  
te Cracov.

sti *Manipulo*, Metropolitanam Poloniæ Urbem, quâ  
suis latè distenditur mænibus, ingenij & Nominis famâ  
adimplendo. Exivit tunc ex abditis sylvarum lustris,  
& dilecta solitudini nemora deferuit Academicus, ut Te  
supra institutorum Mineruam eminentiorem alumnum  
conspexisset; vidit, probavit, coronavit. Exporrectio-  
re surrexit Vavelus colle, & pone-Istulani montis ardu-  
um elevavit supercilium; utq; Palladem Tuam intra  
muros conclusam aduertit, admiratione defixus huc-  
usq; super propugnacula Civitatis stat suspensus. Ipsæ  
illæ pro Iuventutis Polonæ palæstrico instituto à *Vladi-  
slao* designatæ Athenæ, ad eruditionis Tux lucem cum  
suis palpebram clauferunt noctuis; hæc oculorum de-  
jectione Tuam prudentiam adorantes. Extant hucusq;  
in illo *Sapientiæ theatro* Tux indolis actus, fastis & mne-  
mosyno digni. Pretiosius quàm Erythreos uniones  
in gratæ recordationis gazophylacio obseruat *Iagellonica*  
*Pallas* illius sudoris gemmas, quem Tibi gymnasticus  
largo fluento expresit labor. Cum alijs itum ad cal-  
caria; Tu frænandus eras, nè præcipitasses ætatem ultra  
annos. Alij etiam in scirpo experti nodum, necdum  
immerfis profundo conatibus, sicci Iasones pomærium  
repetebant; Tibi omnem fulcare fluctum, nullam non  
laceffere charybdim, cuilibet occurrere scopulo, intra  
gloriam stetit, & profectum. Iuvit docentium indu-  
striam discentis ingenium; facile fuit inclinantem se bo-  
no naturam regere, quæ semina institutionis promptè  
in imum animi fundum exciperet, in tantumq; posthac  
excresscerent, acsi repetito Persarum more erudiendum  
suscepissent quatuor lectissimi: *Sapientissimus, Iustissi-  
mus, Temperantissimus, Fortissimus*. Sed non potuit  
unius Urbis adeò spatiofo ambitu ingenij Tui contineri  
amplitudo; tantus jam eras, ut cum Macedone, alium  
Tibi orbem decreueris inquirendum. Movisti invidi-  
am Regnis, litem de Te consciuisti Provincijs, ut vehe-  
mentiore animorum desiderareris voto, quàm ille, quē;  
Chij suum vendicant, Salamini repetunt. Certabatur

ab



ab urbibus de Tua præsentia, ultro Tibi repandas singu-  
 læ aperiebant portas, fastusq; liminum erat à Tuo vesti-  
 gio conculcari. Palma tamen penes *Ingolstadiensem* in Aca-  
demia Ingol-  
stadiensi.  
*Universitatem* relicta, eò vernavit gloriosius, quò floren-  
 tiore *Zielinscj* Nomine adumbrata. Hic primum ex-  
 terni viderunt soles, quàm dignos non ad fulmina dun-  
 taxat portanda, sed etiam ad lauros gestandas nutrit A-  
 quila Polona pullos. Monstratum in Te exoticis cen-  
 suris, quòd parùm habeant Sarmatica pectora ipso Gra-  
 diui feruentius ardere æstu, nisi & doctioris Phæbi cale-  
 ant incentiuo. Eiecta malevolo livori festuca, quâ Le-  
 chicæ splendoribus offensus gloriæ, obliquum identi-  
 dem compungebat oculum, quando singulorum in Te  
 pupillas, omnium ora convertisti, illud in Te legentia :  
*Et ferro, & aureis triumphare ingenijs, Polonum est.*  
 Quid quid in Tullio torrentis facundiæ, in Plinio con-  
 ditæ ad gustum dulcedinis, in Cynea molliter instillatæ  
 gratiæ, in Isocrate fulminis, & tonitruui, veneratur di-  
 visim antiquitas, totum in Te collectum Ingolstadien-  
 ses Musæ adorârunt. Quibus dum monumenta Tuæ  
 relinquis memoriæ virtutem, & doctrinam, altiorum  
 scientiarum Candidatus, inter alba Galliæ Lilia com-  
 migrâsti. Lutetia  
Parisiorū. Tum verò hîc enituit qualis, cum quantæ  
 gentis caractere, quâ dignus laureâ adueneras *Præ-  
sul Illustrissime*; postquam in speculo illo totius Euro-  
 pæ comptos jam & sine calamistro egregios mores, pul-  
 chritudine probitatis atq; literarum cultu decorâsti.  
 Fulminabas eloquio; melius non tonabat fulgur ener-  
 giæ Demosthenes. Ligatæ suadæ incòercito rapieba-  
 ris torrente; Mantuano, Papinioq; pessulus ad linguam,  
 & rosa eras. Aristotelico immersus Euripo, nodos o-  
 mnes quos Stòá aut Peripathus intricavit Argiva, sub-  
 tilius quàm incisore Macedonis acinace præscidisti, re-  
 secuisti, divisisti. Signatorij Galliarum *Flores*, in quo-  
 rum odorem ab universo orbe curritur, ipsi ad Te cur-  
 rere videbantur. A *Liliorum* lacte, Mater ingeniorum  
 appellata *Lutetia*, quidquid in scientijs exquisitum, in



moribus honestum, in raritatibus arcanum, in virtute  
divinum habuit, non tam Tibi insillavit, nec pleno  
in præstantissimas Tuas dotes effudit oceano. Tantum  
hic per biennium Tui incolatus accrementi fecisti,  
quantum non fecisset Plato Numen Græciæ, si tercen-  
tum annorum spatium, totidem altera sæcula canus ele-  
mentarius adiecisset. Atq; ut prona, & nescia stagna-  
re flumina cursum suum non sistunt, sed declivi scun-  
tur Thetyde, donec aduectum æquori infundant al-  
veum, sic neq; Tua Indoles presso stetit immota vesti-  
gio, sed eluctatura altius, septem Quirini ascendit colles,  
augustissima religionis Orthodoxæ promontoria. *Con-*  
*stantini* Nomen ut Roma audiit; toto in læticiam effusa  
Tyberi, Magni illius per Orientem Imperatoris, gratam  
in Te coluit recordationem. Occidens ille pietatis ac  
Vicariatus Christi splendore clarissimus, traxit Te Polo-  
nam Aquilam, ubi post profani intuitum Phæbi, Solem  
justitiæ Theologicæ contemplatus pupillâ, docuisses:

*Roma qua-* non auroram, sed Hesperum Musis esse amicum. Ut  
*driennium* arcana sacrationis Theologiæ reclusisses dogmata, ad  
*Theologiâ* claves recuris Petri; ut gemmam hanc, quam profundo  
*audire.* speculationis alto abdidit mysteriosa arduitas inuenis-  
ses, venis ad annulum Piscatoris; ut post sæcularis Mi-  
nervæ arenam, stabiliori scientiarum innitaris funda-  
mento, superædificas in Petra. Magnus non montium  
tantum Romanorum elevatione, sed ingenij sublimita-  
te Theologus. Nulla per Imperium Curia, nullus per  
Electoratûs Aulæ Serenissimæ fulgor, nulla per Euro-  
pam Regia, quam Tuus non lustrauisset oculus, animo  
singula ad gloriæ & æmulationis proventum traducen-  
te. Instar argumentosæ apis, quæ florum circumvo-  
lans calyces, aliquid delibat ex omnibus, uni mellifi-  
cio idoneum. Et nè absq; apparatu triumphi, in spi-  
nis Logicæ, in asperitatibus Theologiæ, in arduis sci-  
entiarum salebris, occurrentium difficultatum septen-  
*Revertitur* nalis debellator venisses in Patriam, Doctorali Iuris  
*in Patriâ.* vtriusq; laureâ decorus, redijsti. Aperuit Tibi tædio-  
sæ



sæ expectationis morâ cor faucium Polona Aquila.  
 Gentilitius *Zielinsciorum* Aper ut Te salutâset reducem,  
 cum avita *Manu* ivit obviam. *Signatoria* in Illustrissi- <sup>Et obse-</sup>  
 mis armis *Virgo* videndi Tui avida, supra *Zielinsciani* <sup>quijs Mi-</sup>  
 stemmatis conscendit *Caput*. Fama per *Fenestram Aure-* <sup>chaelis Re-</sup>  
*am* prospiciens, centum oribus Maternæ Domus infla- <sup>gis se ap-</sup>  
 vit *Cornuta*. Ternis *Herburtorum* Gladijs, pugnabant in- <sup>plicat.</sup>  
 ter se de Tuo regressu vota. *Medzensciorum* *Solea*, ut  
 non ivisset, sed volâset ad Te excipiendum, Sagittam  
 Patritio addidit Ferramento. Serenissima Michâelis  
 Cynthia, in perfecta plenilunij auge consistens, & no-  
 ctis Tibi spargebat lucem, ad suæ purpuræ obsequia  
 redeunti. Cuius Regijs favoribus per non parcentem  
 Nominibus coronatis Parcam orbatus, didicisti, quòd in  
 Aulis Principum rarò senescunt famulitia, & amores.  
 Extincta illius Serenitas, tempestatem in Tuo commo-  
 vit pectore, quâ in lachrymarum imbrem largiùs lique-  
 scente perfunderentur cineres arefacti. Porro cum  
*Zielinscius* esses, viridem semper prætulisti dolorem,  
 novas cupressos luctuosæ menti inplantantem. Do-  
 nec per inaugurationem hodie nobis felicissimè Regnan-  
 tis, mandatâ terris Korybuteâ Lunâ, refulsit sol super  
*Clypeum*, & Lechicam libertatem. Et verò discincti  
 propugnaculis Spartanæ fortitudinis æmulatores Polo-  
 ni, viva nobiscum in pectoribus portantes mænia, ob-  
 tentu Serenissimi indigebamus *Vmbonis*, qui elideret  
 pericula, ornaret merita. Ivit sub protectionem Au-  
 gustæ *Ægidis* fortuna Europæi Orbis; ivisti & Tu <sup>Tandem</sup>  
*Præsul Illustrissime*, quandò non ad latus tantum, sed <sup>Serenissi-</sup>  
 ad cor Principis admissus, meruisti illud deliciantis cum <sup>mi Ioannis</sup>  
 Stilicone Honorij basium: *Trahimur à fide Tua pectoris* <sup>III. hodie</sup>  
*augusti magnes*. Inter præcipuos laudum Tuarum titu- <sup>feliciter</sup>  
 los, prima est, isti Monarchæ placuisse. Si nihil ab <sup>regnantis.</sup>  
 aurea illius dextera (*longas enim & aureas Regibus Dii*  
*formauerunt manus, ad singulos pertingunt, omnes fo-*  
*vent.*) Si nihil inquam ab aurea illius dextera accepis-  
 ses, præter id unicum, quòd Tibi Regium cor largia-  
 tur



tur, totius compendium felicitatis accepisti. *In hoc omnia.* Habet, habet ille repositas pro fronte Tua tæni-  
as, habet Bicornes Pileos, quibus dilectum sibi coronet  
caput. Lentiore intervallo suas distinguit gratias, ut  
tarditatem muneris, magnitudine compenset largitatis.  
Erit, quando *Ioannis Agnus* Pastorem Te Infulatum  
constituet. Erit, quando *Tertius*, primos in Te effun-  
det favores. Erit, quando inter purpurata Regni Pro-  
cerum Nomina, Senatorio murice *Zielinskius* erube-

*A quo Præ-  
positus Vla-  
dislaviensis  
creatur.*

scet. Primos Coronationis suæ felicissimæ dies à Te  
illustrando incepit, quando Præposituræ Cathedralis  
Vladislaviensis fascibus decoravit. Præmisit scilicet gran-  
diori hecatombe victimam, & quam de Te æstimatione-  
nem gesserit, monstravit, dum hinc caput Regium diade-  
mate Poloniæ, hinc Tua merita sacris Titulis corona-  
ret. Gradus iste Illustrissimo *Stanislae Dabski* ad Plo-  
censes & Vladislavienses Tiaras ascentum præbuit.  
Huic implantata solo *Gentilitia* illius *Arbor* in Scipio-  
nes refronduit Præfuleos; inde & *Zielinski* honoribus  
Senatorij vernabunt Fasces. Diu cunctando, venit  
tandem Clavus ad Cæsarem. Si enim solem facimus  
honorem, quem virtus aurora præcedit; vel si solem  
dicimus virtutem, cuius umbra est honor; mereri illum  
non habere, sudoris unionibus non sanguinis Aviti co-  
rallijs parare voluisti. Puerorum est Patritio lacte al-  
bum ad honores suffragium quærere; Magnis animis  
non per Ceras dulcedo patet gloriæ, sed per saxa & sili-  
ces; eoq; suavius sapiunt dignitates, quò acerbius su-  
doris sale condiuntur. Minor omninò est, cui solùm  
Majores suffragantur ad magna. Imagines Patrum fu-  
mosæ mordent, non alliciunt honoris pupillam. Fer-  
ruginem contrahunt secures dignitariae, si ex illustri  
sanguine ad lucem publicam extrahantur. Avorum ru-  
gas non amat honor; quas in illis per vetustas Familia-  
rum Lineas origo descripsit Patritia; citius gloriosis fa-  
stis, quàm fascijs exhibetur. Tibi cùm Genus sit ultra  
stantes in curribus Æmilianos sublimius, pro gradu ta-

men



men ad fastigium Præfuleum non posuisti Majores, sed  
magnitudinem meritorum. Scivisti apertum esse os  
Episcopalis Infulæ, & Cælum versum erectum, ut vir-  
tutem ibi natam intueatur, ac evocet ad se, non terræ  
Numinum Illustrissimas genituras. Hinc illa simul & Admini-  
semel duorum Episcopatum Vacantium, Vladislavi-  
ensis atq; Plocensis, rarâ prudentiâ, rariore virtute, ra-  
rissimo exemplo præmissa administratio. Sub uno cæ-  
lo genuit portitor Deorum Atlas, lassatamq; cervicem  
oneri subducturus astrorum, sarcinam illâ Numinibus  
gravem in lacertos transposuit Herculeos. Tu unus  
gemino huic sufficiens Olympo, sinuatis nisu robusto  
humeris, stetisti velut rupes Caucasæa. Putabat regina  
mortalium Parca, post obrutos cespite funesto *Mada-*  
*linij Vomeres*, desertum Vladislaviensis Ecclesiæ solum  
sterili extinguendū glebâ, sed reirruit *Zielinsciani* acces-  
sione gubernij, reffloruit penes *Iosephi* lilia, in quibus  
& candorem sinceræ directionis, & odorem exemplari-  
simæ suspexit virtutis. Ad custodiam aurea mala gi-  
gnentis pomarij draconem insomnem Hesperides desti-  
nant, Vineæ Domini *Zielinscianus* præficitur *Aper*; cu-  
jus tutelam qualiter cordi habeat, metire! dum pro illa  
& Caput ponit *Gentilitium*. Armatum illud toties tri-  
umphali, quoties pro triumpho eleuatâ dexterâ vides;  
quod & manu portare, & consilio erigere gregis orpha-  
ni salutem monstret. *Non deficit alter*. Mereris, mere-  
ris non ex dilecta Iovi quercu, sed ex Avita *Dabscij Illu-*  
*strissimi* Arbore immarcescibilis ferti victricem frondem  
*Zielinski Reuerendissime*; cui dum succedis Administra-  
tor in fasces, ita vacantem illam magnitudine Tua im-  
ples Cathedram, ut & vacuum se doleret, & Tuo ple-  
nam Numine lætaretur. Idem mæror, qui ademptum  
sibi in *Stanislao* lachrymabatur Traianum, in *Constanti-*  
*no* redditum gaudebat Nervam. Sic concors risus cum  
gemitu, dubium fecit, quis illorum referret palmam?  
documentum reliquit: Orbitatis lachrymas bono placari  
successore. Tace fama! quod per adulationem scri-  
psi-



pfisti Magno Philippi Filio : *Vna die & præsens pugnavit  
 in India, & absens vicit Asiam;* dum ampliorem in Con-  
 stantino veneraris animum, qui duabus simul in fulci-  
 mentum suffectus Ecclesijs implicantiam Philosophicam  
 resoluit, præsens utrobiq;. Neq; tantum hanc unam  
 in duorum Episcopatum Administratione præmittis  
 Rhodum vestituris lacertum Tuum Laticlavij *Præsul  
 Illustrissime,* ultro ad Te segetem honoris, difficultatem  
 vocas; ut nihil amplius supra Te habeat ille, qui per  
 Alpium eluctaturus prærupta hoc abjectam spem erige-  
 bat illicio : *Magnum iter ascendo, sed dat mihi gloria vi-  
 res, non juvat ex facili lecta corona iugo.* Ivisti repetito  
 Ablegati caractere ad Comitiam Generalia Mariæbur-  
 gensia, Serenissimi Pyrrhi Cyneas suavissimus, ubi *Ioan-  
 nis* in Constantino personam exprimens, prudentia, ge-  
 stis, gravitate, oraculis, facundia, Te ipso, docuisti, cu-  
 jus esses Imago Principis. Tunc primò credidimus an-  
 tiquitati Oratores ipsius gemmas non verba locutos fu-  
 isse, quando à Tuo ore gemmantis suadæ deflui uniones,  
 in dissonis pectoribus unionem fecerunt animorum;  
 ut aurea torque non fortius traheret Gallicus Alcides  
 arbitria, quam Tu nexu verborum mentes. Si gravius  
 (provocante supercilium materia) tonuisti, fulmen Pe-  
 riculum videbaris elidere. Si dulciore aures influxisti  
 argumento, Hybla Tibi & Hymettus è nectarea stillabat  
 lingua. Auscultavit dicentem Tusculanus Rhetor post  
 limen, & auditâ eloquentiâ Tuâ, Principis Oratorum se  
 exauctorans nomine, Tibi illud cessit Lechico Arpinati.  
 Ad Tribu- Gemina Deputatione functus ad Illustrissimum Tribu-  
 nal Index- nal Regni, velut alter Phrygius Dearum Iudex, iustitiâ  
 deputatur. (quæ juxta Plinium: pulcherrima est inter vultus virtu-  
 tum) omni humano præponens respectui, secururis  
 post Te Astreæ Polonæ arbitris dignam scalpro & mar-  
 more scripsisti legem : *Iudici tam leve aurum videatur,  
 ut recti lancem non inflectat.* Coram pretiosa æquitate  
 Tua omnis Hermus viluit. Expupillata Themis nun-  
 quam Iberici metalli fulvam respexit lucem. Gem-  
 mæ



mæ *Zielinscio* non sapuerunt Apro; qui *Caput* amputatum præferens, innuit: taliter colla nocentium abscutum iri. Iudices enim medici Reipublicæ sunt, qui tum etiam pietatem exercent in ægros, cum igne & ferro putria membra vel ustulant, vel rescindunt. Senserunt Te hostem suum scelera ab alta Arcopagi pervigilantem specula, & ne post amissam frontem etiam caput perdidissent, ultra columnas Garamanticas excesserunt. Idem tunc erat Poloniæ & Virtutis Regnum, paria illis sceptræ, pares purpuræ. Facinori etiam in Hercinio saltu à *Zielinscio Apro* adempta securitas. Hæc, & alia, quæ compendio exaggerare, opus par est Herculeis laboribus, texunt Tibi Senatorium muricem *Præsul* <sup>*Suffraganeus Gne-*</sup>  
*Illustrissime*, cui concinnando *Eminentissimus Radzie-* <sup>*znensis*</sup>  
*io-vij Agnus* Purpureum vellus tribuit, quando Te Pri- <sup>*creatur.*</sup>  
matialis Cathedræ creat *Suffraganeum*. Riserunt amænitate felicitatis suæ recreata Gneznæ Lilia; Gentilitiæ Adalberti Rosæ ad Inaugurationis Tuæ solennem pompam festiviores induerunt purpuras. Pelicanus Loviciensis expansis alis applaudens, omnes dat famæ calamos, quibus Tibi scribat panegyricum triumphalem. Ipsæ Archipræfulex Infulex quasi loqui vellent Eucharisticon Deo pro Tui in Antistitem destinatione, ad Cælum erigunt repanda ora. Ad tantæ messis lætitiæ pertinebat *Vladislavianus* Scholarum Piarum Varfaviensium *Manipulus*, quem Tartaricis, Moschoviticis, Turcicis, ex Oriente & Septemtrione vernantibus revinctum laureis, in pompa ternorum Triumphorum, ad Tui Honore deducimus

C A P I T O L I V M.





mit Zischio non sapientur Agro; qui Caput amputa-  
 tuu pueris, inuunt; taliter colla nocentiam able-  
 Gemiri. Iudices enim medici Republicas sunt, qui  
 tam etiam pietatem exerceant in Reges, cum igne &  
 ferro patris membra vel nituant, vel recondunt. Sen-  
 tent Te hostem suum sceleris ab alia Atropagi perui-  
 gliantem specula, & ne post animam suam etiam ca-  
 put perdidit, ut, ultra columnas Garamanicas exced-  
 lerant. Idem tunc erat Solonia & Virgatus Regnum,  
 patris illis sceleris, patris purpure. Facinor etiam in  
 Herculis filio & Zischio Atropas ab impia sceleris. Hec,  
 & alia, que compendio exaggarat, opus par est Hercule-  
 is laboribus, tunc Tibi secretorum mentem Persuade-  
 re. Illi, qui, cum concinnando Eumantissimus Rati-  
 onem Atropas purpureum velis tribuit, quando Te Pi-  
 etatis & aliter etiam suffragantur. Ratione autem  
 nunc sceleris sunt recta Genezis Iliis; Genitrix  
 Adalberti Rati ad inauguratorem Tui solennem pom-  
 pa scilicet inductum purpure. Pelicanus Loyi-  
 cibus expansis alis apphacens, carnes dat tanquam cala-  
 mos, quibus Tibi sceleris panegyricum triumphalem  
 Ipse Archigeneratiles Iulius quam loqui vellent Bucha-  
 tis con Deo pro Tui in Antistitem destinatione, ad  
 Celum erigunt repanda ora. Ad tantum mentem laetitia  
 patrisque Placidissima Scholam Patrum Varis  
 etiam inuunt, quem Tancius, Molchovitis,  
 Iulius, ex Oriente de spectatione venantibus  
 reuinctum iaculis, in pompa ternorum Trium-  
 phorum, ad Tui Honoris deducimus

CAPITOLIVM.

